

Telefon Pa Hubentud y scolnan ta riba mesun liña

Termento ta pasa paden y pafo di scol

ORANJESTAD - Telefon Pa Hubentud tin mas cu un decada trahando cu scolnan riba entre otro e tema di termento anto nan ta riba mesun liña cu nan riba e problematica y solucionnan.

St. Franciscus College ta un di e scolnan cu ta traha cu Telefon Pa Hubentud pa basta aña caba unda cu a duna les di termento den tur e klasnan. Segun cabesante Nadine Kirindongo: "E ta algo cu nos ta sigui cu ne pasobra bo ta purba educa e muchanan tambe den e parti aki riba kico si y no ta permiti.

Bo ta purba tambe siña e muchanan con pa anda cu esaki pa haci cu e muchanan aki den futuro nan ta ciudadanonan cu por maneha e tentamento unda cu nan bay den nan bida diario como mayor of dunado di trabao."

Sra. Kirindongo ta enfática cu hopi bialha no ta otro mucha ta esun cu ta tenta, pero esaki ta bin for di cas tambe. E 'Pest Protocol' cu ta bay wordo lansa otro aña oficialmente na 31 scolnan, tambe ta pa yuda e mayor na ki caminda e tin cu cana pa e mucha por wordo haci mas fuerte. Tin muchanan cu ta fuerte suficiente cu por maneha un mucha cu ta molesti'e como tambe tin e mucha cu no por deal cu esaki mes.

Segun director di Telefon Pa Hubentud, Sr. James Sneek: "Tin hopi scolnan cu tin trahadonan social cual ta e promenan pa monitor y tambe wak na momento cu tin cierto problemanan. E ta keda na e scol na cua metodo e ta uza. Despues di trabao social na bo scol por ehempel pa mira cua ta e siguiente fase." E ta pues keda na cada scol riba kico pa haci ora cu ta ripara e comportacion aki, sea pa pone un organisacion na altura of duna e hoben un consultacion individual. "Nos tur den comunidad tin un responsabilidad pa cumpli cu ne anto na momento cu cada un di nos ta cumpliendo cu nos responsabilidad, na final di dia nos ta yega na e 100% di responsabilidad cu nos mester a tuma pa e mucha of hoben." sr. Sneek ta comenta.

Motibo tras di termento
E proyecto di Telefon Pa Hubentud ta bisa bo cu den caso di termento, bo tin cu



trata cu tur dos e mucha of hoben hunto. Algo hopi importante tambe mientras ta

Por ehempel tin hopi caso lamentabel na Merca unda muchanan a tende for di nan

lema, al contrario, esun cu ta tenta ta esun cu tin problema. Esun cu ta tenta un otro, hopi



ocupa cu e proyecto den klas, ta pa evita di yama e persona cu ta pest pa 'pester' pasobra na e momento ey bo ta label e anto e ta bay comporta su mes asina ey. "Tur por ta un victima di termento, tur por wordo tenta of tur por haci e cu otro pues bo no mag categorisa." Hopi bialha e pensamiento tabata cu esun cu ta wordo tenta ta esun cu tin e problema of no ta suficiente fuerte. Loke nan ta tende na cas ta: "Para pa bo mes! Defende bo mes!", pero segun Sr. Sneek, nan no ta bisa nan con pa defende nan mes.

mayor nan anto yega scol cu un arma. "Pues no ta esun cu ta wordo tenta tin e prob-

bialha ta wordo tenta un otro caminda: na cas, na e club di futbol cu e ta hunga den dje



anto como un mecanismo ma defende su mes e ta yega scol anto cuminsa tenta otro."

Durante varios aña tratando e tema aki, segun Sr. Sneek bo ta tende hopi cos for di e muchanan. Por ehempel muchanan cu no kier bay scol hopi bialha ta boga nan mayornan pa nan keda cas pasobra nan no ta sinti bon. "Bo sa cu e mucha no ta bisando bo berdad na e momento aki pero bo tin cu wak e ora dicon e no ta bisando bo berdad. Hopi bialha e muchanan aki ta gaña di ta malo pa nan no yega scol pasobra nan ta wordo tenta. Pues e ora nan ta busca un smoesje anto abo como mayor mester bay mas leu dicon e ta bisa mi e ta malo siendo cu e no ta." Bo ta tende tambe muchanan cu kier cambia di scol como tambe tin hopi mucha cu ta yega bisa bo con dolor e ta haci nan. Tin casonan cu ta bay asina leu unda tin hobennan cu kier kita nan bida pasobra nan ta wordo tenta y tur esakinan ta temanan cu Telefon Pa Hubentud ta keda confronta.

Maestronan mas vigilante

Sra. Kirindongo ta bisa cu maestronan mester ta hopi vigilante den klas. Locual ta dificil pa bo tin bista tur caminda pero bo tin un acuerdo cu e muchanan cu ora algo sosode, semper nan por acudi na e maestranan cual ta e prome yamada. Den casonan mas extremo, na St. Franciscus College tin guia interno cu ta traha carta pa pone instancianan na altura, sociale zaken of dokter di cas pa e alumno haya un verwijsbrief pa e mucha haya ayudo. SKOA no ta keda afo den esaki. "Nos ta un famia grandi unda tur maestronan ta keda na altura riba kico ta pasando anto con pa trata cu ne. Tur esaki ta traha riba e concentracion di e mucha cual hopi bialha ta stroba e mucha di siña anto ora di confronta e problema aki, e idea ta pa e mucha sinti su mes sigur y liber na scol como tambe na cas. Na scol tin diferente maestronan cu diferente ideanan di diferente nacionalidad anto nos ta bini hunto pa wak con pa maneha nos diferencianan, como nos ta un famia pues como bo ta trata e famia y bini cu solucionnan. Asina ki nos ta wak e", Sra. Kirindongo ta splica.